

Brown County Health & Human Services

Public Health Division

Koob Tshuaj COVID-19

Cov Lus Nug Nqhuag Nug Txog (FAQ's) – Lub 1 Hlis tim 4, 2021

Yuav txiav txim seb leejtwg tau txhaj koob tshuaj ua ntej?

Cov koom haum hauv xeev thiab tsoom fwm tau txiav txim kev txhaj tshuaj no muab faib rau ob peb theem lawm. Cov pawg muab faib no yog los ntawd seb lawv txoj kev ua haujlwm zoo li cas thiab puas mauj kev phom sij kis tus mob no. Tam sim no muaj 3 pawg: 1A, 1B, thiab 1C.

Leejtwg yuav nyob rau Pawg 1A ntawm kev txhaj tshuaj?

Pawg 1A yog txhaj rau cov neeg ua haujlwm hauv tsev kho mob (Health Care Personnel (HCP)) thiab cov neeg ua haujlwm/los yog cov nyob hauv tej tsev laus (Long-Term Care Facilities (LTCF)).

Leejtwg yuav nyob rau Pawg 1B ntawm kev txhaj tshuaj?

Pawg 1B yog cov neeg ua haujlwm ntawm tej kiab khw uas yuav tsum qhib (Essential Workers) raws li tsoom fwm thiab xeev tau pom zoo. Piv txwv li cov neeg ua haujlwm no, tiamsis suav tsis txheeb, tub ceev xwm, tub tua hluav taws, cov neeg ua haujlwm hauv tsev kawm ntawv, tsev khiav dej fais fab, cov neeg tsav tsheb thauj neeg, ua zaub mov thiab ua liaj teb.

Kuv yuav ua cas paub seb kuv puas yog ib tug neeg ua haujlwm rau ib lub lag luam uas yuav tsum qhib?

Cov neeg ua haujlwm hauv tsoom fwm thiab xeev mam li qhia seb tej lag luam twg yog cov yuav tsum qhib vim nyias yuav txawv nyias. Kev txhaj tshuaj tej zaum yuav nyob raws seb puas muaj koob tshuaj txaus xwb, nws tsis yog hais tias vim cov neeg ua haujlwm ib tug tseem ceeb tshaj ib tug .

Leejtwg yuav nyob rau Pawg 1C ntawm kev txhaj tshuaj?

Pawg 1C yog suav tagnrho cov neeg laus uas muaj mob ua ntej lawm, nrog rau cov neeg laus muaj 65 xyoos rov saud.

*Thov hu mus nrog koj tus kws kho mob tham yog tias koj ntseeg tias koj tsim nyog txais koob tshuaj vim yog koj muaj mob ua ntej lawm.

Brown County Public Health puas teev tseg tej npe ntawm cov neeg uas nij mus txhaj koob tshuaj vim lawv muaj mob nkeeg?

Tsis teev. Brown County Public Health xa cov neeg no mus cuag lawv tus kws kho mob lossis lwm lub koom haum hauv zos ua yuav pab tau xwb.

Kuv cev tseem xeeb menyuam lossis tseem pub mis rau menyuam noj, puas zoo rau kuv mus txhaj koob tshuaj COVID-19?

Brown County Public Health xav kom koj hu mus cuag koj tus kws kho mob lossis koom haum kho mob txog koj qhov xwm no.



Public Health
Prevent. Promote. Protect.

Brown County
Health & Human Services

Brown County Health & Human Services

Public Health Division

Kuv lub cev thaiv kab mob tsis zoo lawm, puas zoo rau kuv mus txhaj koob tshuaj COVID-19?

Brown County Public Health xav kom koj hu mus cuag koj tus kws kho mob lossis koom haum kho mob txog koj qhov xwm no.

Koob tshuaj puas muaj tus kab mob COVID-19 nyob hauv?

Tsis mauj. Koob tshuaj no xa ib co keeb plhaus these(protein) uas koj lub cev yuav siv los tiv thaiv koj thaum nws pom muaj tus kab mob COVID-19.

Kuv yuav txhaj koob tshuaj twg?

Cov koob tshuaj uas lawv tau pom zoo tam sim no, nrog rau cov uas tseem tos seb puas tau kev pom zoo los siv, yog cov ua haujlwm zoo tshaj. Tam sim no, nyob ntawd seb muaj koob tshuaj twg thiab ntau npaum cas xwb. Seb muaj koob twg ces txhaj koob ntawd xwb.

Koob tshuaj no puas tsim tau teeb meem rau koj?

FDA yeej xav kom koob tshuaj no txhob tsim teeb meem rau koj thiab ua haujlwm zoo lawv mam li pom zoo siv tau. Tam sim, Tus Nom Trump, Tus Nom Tom Ntej No Biden, thiab cov kws kho mob nyob hauv Tebchaws Mekas no txhawb nqa kev mus txhaj tshuaj. Yog xav kawm ntxiv txog qhov kev nyab xeeb ntawm koob tshuaj, mus xyuas hauv no:

<https://www.cdc.gov/coronavirus/2019-ncov/vaccines/safety.html>

Vim li cas kuv yuav tsum mus txhaj tshuaj yog tias kuv twb yeej looj lub npog qhov ntswg thiab sib nrug deb ntawm lwm tus lawm?

Yuav kom cheem tau tus kab mob tsis txhob sib kis thoob qab ntuj no, peb yuav tsum siv txhua txoj kev los cheem. Kev txhaj tshuaj yuav pab koj lub cev tiv thaiv tau tus kab mob yog tias nws tshwm tuaj. Kev looj lub npog qhov ncauj thiab nrug deb ntawm lwm tus yog kev pab tiv thaiv koj tus kheej. Yog peb koom tes los txhaj koob tshuaj COVID-19 thiab ua raws li CDC tej lus ces yuav pab tiv thaiv tawm tsam tau tus kab mob no.

Kuv ua tau dabtsi tam sim no los pab tiv thaiv kuv tus kheej ntawm tus kab mob COVID-19 kom txog kuv thib mus txhaj koob tshuaj?

Koj yuav tsum looj lub npog ntsej muag uas npog tagrho lub qhov ntswg thiab qhov ncaj, tsis txhob mus ze cov neeg uas mob lawm, sib nrug deb lwm tus li 2 dag, txhob mus nyob ua pab ua pawg, thiab nquag ntxuav koj txhais tes.

Kuv yuav mus nrhiav ntaub ntawv txog COVID-19 thiab Koob Tshuaj qhov twg?

Ntaub ntawv qhia txog COVID-19 thiab kev txhaj tshuaj mus li cas lawm nyob rau cov vas sab no:

[StayHealthyBC \(browncountywi.gov\)](http://StayHealthyBC.browncountywi.gov)



Public Health
Prevent. Promote. Protect.

Brown County
Health & Human Services

Brown County Health & Human Services Public Health Division

[Frequently Asked Questions about COVID-19 Vaccination | CDC](#)

[COVID-19: Frequently Asked Questions | Wisconsin Department of Health Services](#)



Public Health
Prevent. Promote. Protect.

Brown County
Health & Human Services